

[www.BibleForChildren.org](http://www.BibleForChildren.org)

# Mateo 8




Man osha rafu ano Caná ano Galilea muranshon  
nocofunun ainfo fiaino yorafo anosí ichanannifo.  
Jesús non ahua non norifi afu rafumisifori noco  
yoimanifo. Ascano non cani.



Fimi unu man nutsoafono Jesús ahuan yoiquin, —Na  
focai afanan fimi unu yamafinquin, —huaiton.  
Ascaiton ahuan oinmatifo yoiquin, —Nan mato yonoai  
cuscan huashocaquin, —huani.



Ascashon Jesús oinmatifo yonoqui, —Na  
cutimahuanfo muran unu fospi huacahuun,  
—hwaiton. Fospi huacaquin cufirisacoinnifo.  
Ascantan Jesús yononi, —Ichananfo  
cushumisi fuafaintan mumatahuun,  
—hwaiton.



Nicaquin oinmatinin ichananfo cushumisi fuashon  
inainton muacai unuma. Fimi unucoin ini. Ichananfoan  
cushumisitocai Jesús aca  
cuscan onannima.  
Oinmatifoansi Jesús  
aca cuscan huaquin  
onannifo.



Ichananfoan cushumisiton Jesús fimi unu onihua  
onanshoma nan rama ainfo fian cunashon yocani, Nan  
ichananfoti aquifin rufofo  
shara nutsocashon chipo  
onanshta ichapama shara  
amisifo. Ascan  
huafiainfoan minfin nan s  
haracai ahuun unutaquin  
fasi sharacapacoin  
noco amaiquin,  
—huani.



Ahuamamishti yora atiroma cuscan huatiroshaquin  
Jesús nanno nan pushurasi Caná ano  
tau huaquin noco ismaniquin.  
Ato ismani aamain Diospan  
Facucoinshofin ahunshon  
ahuamamishti tsoan  
oinmisima cuscara  
huatiroquin.



Ascano oincashon non afu rafumisifoan man non icoinra  
huani. —Icoifin Jesús Diospan  
Facucoinran, —ishon non  
shinanniquin.






Asca huatan Jesús Pedro pushu ano  
cani. Nanno caquin oian Pedronun  
ahuun raisi yoshafo fasi yonacoin  
oshati camaqui raca ini.



Ascaiton Jesús yoshafoan ahuun mucuqui mupiaino  
ahuun yona matsiriscatanaino funinaca huan nan  
isinincama ointsacai Jesús pimashquin tushu huani.



Ascatan man fari caino isinincai futsa futsatapafo yafi  
yoshin chacafo atohuun nuufafaina yorafoan Jesusqui  
ihuunifo ato  
cayahuamapacunon.  
Nan pushurasi anoashu  
Jesusqui funifo.




Isinincai futsa futsatapafo ato cayahuamapacuano.  
A yoshin chacafo atohuun nuufafaina atomaquinoa  
potani. Jesús Diospan facun yoshin chacafoan  
onainfoan —Tsainyamacahuun, —ato huani.



Ascashon nan isinincaifo futan nan yoshin chaca  
atohuun nuafoan shinannifo, —Non ahuunoashu  
cayanonmun Jesús noco ramanmapainon, —ishon  
shinannifo.

Nanfoan tapinifo  
Diosin ahuun  
curushhuunshon  
Jesús ato caya  
huapacua.



Ascano nocofunu rafu non rafuriton aton yora charishi  
futsua shuhua naratashon ihuunifo Jesús caya  
huamanon.



Iquimapaifiacaquin yorahuanrasi  
pushu fospiano iquimanifoma. Ascashon  
pushu fomancayan tapa tsucashon  
Jesús nia naman fotomapacufoannifo.  
Nanno yorahuanrasi nastui  
shuhua ya  
ratapacufoannifo.



Jesús oian nan nocofunu yoratishon charishi futsua  
ahuun yorafoan fasi icoinra  
huaifoan. Oinquin a  
yoratishon charishi  
futsua yoini, —Uhuun  
yorashta, mun mia  
chaca soashona,  
—huani. —Min pushu  
ano min shuhua ya  
funicaitahuun,  
—huani.





Asca huatan Jesús shasho naqui nanuano norifi afu  
rafuafo non afu nanucaini. Ascashu  
ianmanhuan non pocuaino  
fuuhan nocoqui noconi.  
Nantian Jesús shasho  
murannoashu osha ini.  
Ascano ian fuchomanhuanquin  
shasho muran unu  
iquimani.




Ascaino moinacahuan noco yoini —¿Ahuuscai man ratuain? Man ua icoindra huasharashucaí man ratucuanama, —ishon noco yoini. Ascatan fuuhuan yafi ían fuchomanhuan yoiqui isca huani, —Fuun nishmahuu, —huafain, —Fuchomanhuan nishmahuu —huaino fuu yafi ían fuchoai nishmafaini.

Asacatan íanmanhuan pusiquima racani.

Ascaiton oin non

yoinanni, —Ahuu cuscara nocofunushonmun nocon Ifoan isca huaiquin. Fuuhuan yafi ían nan yoiai cuscan man nishma huaquin, —icashu non yoinanni.



Unfin Upa Diosin Facu fustiquin.  
Ascafiashu nantifi yorafohuun fasi  
noiquin ua nichini atohuunoashu un  
nanon. Nan ua icoinra huafoti  
omitsiscapatamarocon Upa  
Dios fu ipasharanonfo.



Romanos 3:23 Manifoti anoafoan nantififain man non chaca huamisi. Upa Diosin noco imapaiyai cuscacai tsoa acoinmisima.

Romanos 6:23 Tsoa chaca ahuun ifono ahuunshon ato omitsiscapanacafo muran potashquin. Ascafia nocon Ifo Jesucristohuunshon Upa Diosin noco cashman numano non afu ipanon.

Hebreos 9:27 Ascan nantifi yorafo non nai futsushquin. Noncai nofiri yoitiroma ahuutianmain non naicain. Diosin fustiton yoitiro. Naashu nantifi non aqui nocoaiton niyoshon non amisi cuscan noco yoishquin. Noco yoiano nan Jesús icoindra huafoti afu ipasharatirofo. Nan icoindra huamisifoma ato omitsiscapanacafo muran potashquin.



Efesios 2:8,9 Asca afanan un mato yoi. Non ahudara shara huahuu rafanancai noco Diosin numaima non omitsiscapanonma. Diosin afi nocohuun ramapaicoishon noco cashman numai noco chaca soashoshquin. Ascan tsoacai iscatiroma, —Ufin Dios shara huamisiquin. Ascashufi un Dios fu ipatiroquin, —ishocai tsoan anori yoitiroma. Ascatama non Jesús icoinra huaiton Upa Diosin noco numatiro non afu ipanon.

Romanos 10:9,10 Ascano, —Jesús uhuun lforan, —huafain man shinanquin isca huai, —Jesús nafiacun Apa Diosin funimaniran, —ishon maton nomuran man icoinra huaiton maton chaca soashotiro afu man ipanon. Ascan maton nomuranshon man icoinra huacun Upa Diosin maton chaca soashotiro man isharonon. Man futsafo, —Jesucristo uhuun lforan —ishon yoiaiton mato imapacunaca.



Juan 3:16,17 Unfin Upa Diosin Facu fustiquin. Ascafiahu nantifi yorafohuun fasi noiquin ua nichini atohuunoashu un nanon. Nan ua icoinra huafoti omitsiscapatamarocon Upa Dios fu ipasharanonfo. Ua mai ano nichini un ato onaintimatama un aton chaca soashonon uhuunoashu nipanonfo.

1 Juan 5:11-13 Isca huaquin Upa Diosin yoini, —Uhuun facuhuunshon un mato nimapacutiroran, —ishon yoini. Tsoa Furun fu rafuafin nipanacaquin. Ascafia tsoa Furun fu rafuamacai nipatiroma. Jesús Diospan Furun man icoinra huaa. Ascan un mato nanfo cunushoni man nipanaca man tapinon.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Sharanahua Diospan Bible (mcd) © 2008, Wycliffe Bible  
Translators, Inc. All rights reserved.

<https://www.bible.com/bible/522/GEN.1.MCD>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

